



ACoRD

Savez za zajednički
ruralni razvoj



Projekat finansira
Evropska unija

INFO

e-bilten Saveza za zajednički ruralni razvoj – ACoRD Info

BROJ 2, juli 2013. godine

Pred vama je novi broj elektronskog biltena ACoRD INFO koji predstavlja elektronsko glasilo Saveza za zajednički ruralni razvoj u Bosni i Hercegovini – ACoRD (Alliance for Common Rural Development). ACoRD INFO će svaka tri mjeseca donositi novosti i najave, obavještenja o događanjima i aktivnostima u vezi s ruralnim razvojem u Bosni i Hercegovini.



Agencija za saradnju,
edukaciju i razvoj
Bul. vojvode Petra Bojovića 1a
78000 Banja Luka, BiH
tel.: + 387 51 325 611
fax: + 387 51 325 021
www.aced.ba

U OVOM BROJU:

Održana konferencija "Ruralni razvoj u BiH" u okviru projekta ACoRD

Osnovana Balkanska mreža za ruralni razvoj

Poziv organizacijama civilnog društva za saradnju u okviru projekta ACoRD i izražavanje interesa za umrežavanje u ruralnom razvoju

Najavljujemo PREPARE Gathering 2013 koji će se održati od 4. do 7. septembra u BiH

Najavljujemo dvije predstojeće obuke u okviru projekta ACoRD

Predstavljanje partnera na ACoRD projektu - Udruženje građana „Nešto Više“

Donosimo korisna obavještenja i web adrese

Bilten uređuje organizacija
ACED u partnerstvu sa:



Ovaj projekat je podržan od:





Održana konferencija "Ruralni razvoj u Bosni i Hercegovini" u okviru projekta ACoRD

Konferencija "Ruralni razvoj u Bosni i Hercegovini" koja je održana 28. maja 2013. godine, u Sarajevu, predstavlja jednu od prvih aktivnosti u okviru projekta ACoRD. Preko 80 učesnika/ca konferencije su imali priliku da se поблиže upoznaju sa ciljevima i aktivnostima projekta ACoRD, stanjem i perspektivama ruralnog razvoja u Bosni i Hercegovini, kao i o osnivanju, funkcionisanju i vrstama mreža za ruralni razvoj u Evropskoj uniji i regionu. Učesnici konferencije su, nakon izlaganja prezentatora i prezentatorica i nakon diskusije u kojoj su data određena mišljenja i viđenja po pitanju ACoRD projekta i osnivanja Mreže za ruralni razvoj u Bosni i Hercegovini, predložili da se donese **Okvir za uspostavljanje saradnje na projektu ACoRD.**



Pored predstavnika civilnog i javnog sektora iz Bosne i Hercegovine na konferenciji su učestvovali i predstavnici slovenačke, hrvatske i srbijanske mreže za ruralni razvoj kao i predstavnici mreže PREPARE i ELARD.



Materijale sa konferencije možete preuzeti na:
<http://www.aced.ba/odrzana-konferencija-%E2%80%9Eruralni-razvoj-u-bosni-i-hercegovini%E2%80%9C-u-okviru-projekta-acord,246.html>



Okvir za uspostavljanje saradnje na projektu ACoRD

1 Osnivanje Mreže za ruralni razvoj u Bosni i Hercegovini je pozitivan iskorak u sveobuhvatnom procesu ruralnog razvoja u Bosni i Hercegovini i ova inicijativa u okviru ACoRD projekta je pozdravljena i podržana od strane civilnog i javnog sektora.

2 Neophodno je razviti partnerstvo između javnog i civilnog sektora po pitanju ruralnog razvoja i ojačati međusobnu komunikaciju što je sasvim izvodljivo kroz implementaciju projekta ACoRD. Mreža za ruralni razvoj treba da bude ozbiljan partner javnom sektoru i da bude korištena kao koristan alat koji doprinosi radu javnog sektora.

Organizacije civilnog društva aktivne u oblasti poljoprivrede i ruralnog razvoja u Bosni i Hercegovini će se zalagati za ostvarenje predloženih principa iz ovog Okvira za uspostavljanje saradnje na projektu ACoRD i na taj način će dati svoj puni doprinos osnaživanju ruralnog pokreta i sveobuhvatnom ruralnom razvoju u Bosni i Hercegovini.

3 Da bi civilni sektor mogao biti prepoznat kao ozbiljan partner javnom sektoru u oblasti ruralnog razvoja, organizacije civilnog društva moraju imati određene kompetencije u tom sektoru i transparentnost u svom radu. Civilni sektor u BiH je snažan u kvantitetu, a treba osigurati i snagu civilnog sektora i u kvalitetu. Osnaživanje organizacija civilnog društva iz oblasti ruralnog razvoja je dio ACoRD projekta.

Svaka zemlja u Evropi ima svoje posebnosti i postoje razna rješenja kada su u pitanju mreže za ruralni razvoj. Tako i u Bosni i Hercegovini, kroz dijalog, treba pronaći model zajedničkog rješenja, a koji će na najbolji način odražavati bosanskohercegovačku perspektivu i poziciju. Savez za zajednički ruralni razvoj (ACoRD) u Bosni i Hercegovini je model koji omogućava zadovoljavanje različitih pogleda i stavova po pitanju umrežavanja u ruralnom razvoju u Bosni i Hercegovini.

4



Osnovana Balkanska mreža za ruralni razvoj

Na sastanku koji se održao 20. maja 2013. godine u Andrevlju, na Fruškoj Gori, predstavnici/ce nacionalnih mreža za ruralni razvoj Crne Gore, Makedonije i Srbije potpisali su Deklaraciju o umrežavanju i saradnji i time osnovali Mrežu za ruralni razvoj Balkana, sa službenim nazivom BRDN (Balkan Rural Development Network).

Predstavnici ACoRD projekta iz Bosne i Hercegovine su takođe prisustvovali ovom događaju.

Potpisivanjem Deklaracije, predstavnici/ce zemalja učesnica su iskazali spremnost da zajedno rade na unapređenju i jačanju saradnje između mreža za ruralni razvoj na Balkanu, kao i na stvaranju platforme za redovnu razmjenu informacija, iskustava i znanja.

Očekuje se da će BRDN mreži uskoro pristupiti i HMRR (Hrvatska mreža za ruralni razvoj) kao i mreže koje su u procesu nastajanja, u Albaniji i Bosni i Hercegovini. Mreža za ruralni razvoj u BiH (Savez za zajednički ruralni razvoj) koja se formira u okviru ACoRD projekta će pristupiti Balkanskoj mreži odmah nakon svog formalnog osnivanja. Osnivanje i početak djelovanja BRDN mreže je podržao SWG (Regional Rural Development Standing Working Group).



Više o BRDN mreži možete pročitati na: <http://www.seerural.org/events/other-events/results-from-the-regional-meeting-%E2%80%9Cestablishment-of-the-balkan-rural-development-network%E2%80%9D-19-%E2%80%93-21-may-2013-andrevlje-novi-sad-republic-of-serbia/>



Poziv organizacijama civilnog društva za saradnju u okviru ACoRD projekta i izražavanje interesa za umrežavanje u ruralnom razvoju u BiH

Pozivamo sve organizacije koje se već bave aktivnostima i projektima u polju ruralnog razvoja i/ili žele da se uključe u rad na aktivnostima predviđenim ACoRD projektom, da do 31. jula 2013. godine ispune odgovarajući upitnik i na taj način iskažu svoj interes za umrežavanje u ruralnom razvoju u Bosni i Hercegovini i pruže svoj doprinos provođenju ovog projekta.



ACoRD

Savez za zajednički
ruralni razvoj

Projektom ACoRD nastojaće se poboljšati građanski aktivizam, i to kroz veće učešće i zastupljenost ruralnog stanovništva u društvenim i političkim inicijativama, a samim tim osnažiće se i uticaj civilnog društva na vladajuće strukture, socijalna pitanja i politike u sektoru ruralnog razvoja.

Glavni ciljevi projekta ACoRD su:

- podrška osnivanju Mreže za ruralni razvoj u Bosni i Hercegovini kao strateškog i snažnog partnerstva između ključnih aktera u ruralnom razvoju u zemlji;
- jačanje kapaciteta organizacija civilnog društva koje će biti članice Mreže za ruralni razvoj i
- uključivanje nevladinog sektora u izradi i promovisanju mehanizama za veće učešće građana u procesu reforme i harmonizacije javnog sektora i propisa, a u skladu sa relevantnim politikama EU u oblasti ruralnog razvoja.

U okviru projekta ACoRD predviđene su brojne aktivnosti, poput:

- Osnivanje Mreže za ruralni razvoj u Bosni i Hercegovini
- Jačanje kapaciteta članova/ica Mreže kroz edukaciju
- Izrada strateškog plana Mreže
- Medijske kampanje i publikacije o Mreži i novostima u polju ruralnog razvoja
- Istraživanje koje će obuhvatiti relevantne politike i procedure iz oblasti poljoprivrede i ruralnog razvoja
- Organizovanje ruralnog parlamenta

*Detaljnije informacije o javnom pozivu, upitniku, kao i o projektu ACoRD možete pronaći na:
<http://www.aced.ba/poziv-za-iskazivanje-interesa-za-umrezavanje-u-ruralnom-razvoju,263.html>*



ACoRD projekat – Savez za zajednički ruralni razvoj u BiH podržava organizaciju PREPARE Gathering-a, koji će se 2013. godine održati u Bosni i Hercegovini. Na ovom događaju koji će se održati od 4. – 7. septembra na Jahorini, više od 100 učesnika/ca iz oko 20 evropskih država će imati priliku da se upozna, razmjeni iskustva i nauči nešto više o umrežavanju u ruralnom razvoju.



PREPARE Gathering

od 4. do 7. septembra 2013. godine
u Bosni i Hercegovini
Jahorina, Hotel Termag

UMREŽAVANJE U FUNKCIJI ODRŽIVOG RURALNOG RAZVOJA

PREPARE Mreža – Partnerstvo za ruralnu Evropu – ima za cilj jačanje civilnog društva i promovisanje međunacionalne saradnje u ruralnom razvoju, naročito u zemljama novim članicama EU, zatim zemljama koje su u procesu pristupanja i “novim susjednim zemljama” uvećane Evropske unije. Suštinsku komponentu PREPARE programa predstavljaju multinacionalni događaji – “PREPARE Gatherings”.

PREPARE Gathering u 2013. predstavlja niz povezanih događaja u Bosni i Hercegovini, koji imaju za cilj da okupi predstavnike/ce civilnog društva kao i predstavnike/ce organizacija iz javnog sektora, prvenstveno iz centralne i jugoistočne Evrope ali i zemalja članica EU.

Glavni ciljevi PREPARE Gathering-a su:

- Omogućiti civilnom društvu priliku da prodiskutuje i izrazi stavove po pitanju trenutnih izazova u ruralnom razvoju Evrope i šire;
- Stvoriti prostor za razmjenu iskustava i ideja, a naročito podstaći razmjenu između ruralnih aktera/ki iz onih zemalja centralne i jugoistočne Evrope koje su već članice EU i zemalja koje se pripremaju za ulazak u EU, naročito iz regiona jugoistočne Evrope;
- Promovisati dijalog između javnog, privatnog i nevladinog sektora i podstaći umrežavanje u funkciji održivog ruralnog razvoja.



Planirani događaji se sastoje od:



Konferencije **“Umrežavanje u funkciji održivog ruralnog razvoja”** – prezentacija i diskusija o stanju civilnog društva u okviru sektora ruralnog razvoja, priprema za pristup EU zemalja koje su kandidati za članstvo i novih susjednih zemalja Evropske unije;

Niz **“Putujućih radionica”** – studijskih posjeta malih grupa koje će se fokusirati na dobre prakse u umrežavanju u funkciji održivog ruralnog razvoja u Bosni i Hercegovini;

Razmjena među učesnicima/ama radi buduće saradnje i razmjene mišljenja u vezi s narednim aktivnostima PREPARE programa, sa posebnim osvrtom na jugoistočnu Evropu.

Detaljan program i formulari za registraciju će biti dostupni na web stranici PREPARE-a www.preparenetwork.org, kao i na web stranicama partnera na ACoRD projektu.

PREPARE Gathering će se organizovati na Jahorini, popularnoj turističkoj destinaciji u blizini Sarajeva, mjestu gdje su održane Zimske olimpijske igre 1984. godine. Kao i prethodnih godina, troškove smještaja učesnika/ca će snositi PREPARE zahvaljujući podršci Charles Steward MOTT fondacije, ACoRD projekta i drugim donatorima.





Obuke u okviru projekta ACoRD

Tokom avgusta i septembra 2013., u okviru projekta ACoRD, održaće se dvije obuke za trening trenera.

Na prvoj obuci, na temu "Efikasna analiza politika i zagovaranje – Politike zasnovane na stvarnim činjenicama", učesnici/ce će se upoznati sa inovativnim rješenjima u polju reforme javnih politika.

Na drugoj obuci, čija je tema "Umrežavanje u ruralnom razvoju" učesnici/ce će biti obučeni za izradu metodologije za osnivanje i funkcionisanje mreže za ruralni razvoj, a na osnovu pozitivnih iskustava iz zemalja Evrope.



Učesnici na ovim obukama su partneri na projektu ACoRD i određeni broj predstavnika ostalih ključnih organizacija civilnog društva koje su aktivne u oblasti ruralnog razvoja u Bosni i Hercegovini.



Udruženje građana “Nešto Više”

Udruženje građana “Nešto Više” je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Programi i projekti organizacije su realizovani u preko 70 gradova u Bosni i Hercegovini. Glavna snaga UGNV je zaposleno osoblje. Od sedam zaposlenih osoba, šest

je sa visokom stručnom spremom, dvije su osobe sa invaliditetom, tri su žene. Pet članova/ica osoblja ima više od deset godina radnog iskustva u radu organizacija civilnog društva.

Osoblje Udruženja živi i radi u Sarajevu, Istočnom Sarajevu, Banja Luci i Mostaru, dok je Udruženje sprovođenjem projekata prisutno na cijeloj teritoriji BiH. Osoblje posjeduje stručnost i iskustvo u pisanju i sprovođenju projekata iz oblasti: poljoprivrede, ruralnog razvoja, obrazovanja, preduzetništva, liderstva i volontiranja.

VIZIJA: Bosansko-hercegovačko društvo koje je moralno odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

MISIJA : “Nešto Više” potiče pozitivne promjene u društvu pružanjem šanse pojedincima/kama i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere/ke koji vjerujući u sebe i druge gaje otvorenost i pripadnost svom društvu.

MOTO: Učenje kroz rad.

Neki od sprovedenih projekata Udruženja su:

Razvoj poljoprivrednih zadruga (2010-2012): U partnerstvu sa Centrom za razvoj i podršku iz Tuzle, projekat se fokusirao na interni razvoj sedam poljoprivrednih zadruga i njihovih poljoprivrednih proizvođača u cilju povećanja konkurentnosti na lokalnom i regionalnom tržištu. U sektoru voće/povrće, dvije zadruge su sertifikovane i operativne po HACCAP standardima, dok je sedam zadruga i 200 već operativnih farmera sertifikovano i operativno po GLOBALGAP standardima i dodatno opremljeno za povećanje proizvodnje. Projekat je osigurao da se zaposli 20 novih osoba i poveća proizvodnja i prodaja voća i povrća za 20%. Projekat je podržan od strane Delegacije Evropske Unije u BiH.

Izgradnja kapaciteta adaptacije na sušu u agro-biznisu (2010-2012): U partnerstvu sa Centrom za razvoj i podršku Tuzla, projekat je uslužio najmanje 10.000 farmera iz sjevero-istočne BiH koji su dobili mogućnost za primjenu adaptivnih rješenja u borbi protiv suše kroz mjere podrške koje su usvojile odgovorne državne, entitetske, kantonalne i lokalne institucije. Projekat je kroz izgradnju kapaciteta direktno uključio i sedam poljoprivrednih zadruga te 20 vladinih službenika. Projekat je podržan od strane USAID-a.

*Više informacija o Udruženju možete
pronaći na www.nestovise.org.*



Suspendovana sredstva Evropske unije u sektoru poljoprivrede i ruralnog razvoja
<http://www.delbih.ec.europa.eu/News.aspx?newsid=5736&lang=BS>

EU promijenila propise zbog BiH: Izvoznici dobili prolaz preko Ploča
<http://ekapija.ba/bs/Vijest/vijesti/eu-promijenila-propise-zbog-bih-izvoznici-dobili-prolaz-preko-ploca/26873>

IPA BiH-Crna Gora: Odabrano osam projekata prekogranične saradnje
<http://www.cbc.bih-mne.org/index.php?type=1&a=novosti&id=107>

Delegacija Evropske unije u BiH objavila poziv za podnošenje prijedloga projekata za aktivnosti vezane za „Podršku Evropske unije za lokalnom ekonomskom razvoju u BiH“. Više informacija može se dobiti na:
<http://www.delbih.ec.europa.eu/>

JU Zavod za zapošljavanje RS i Ministarstvo poljoprivrede, šumarstva i vodoprivrede RS realizuju projekat zapošljavanja u poljoprivredi RS u 2013. godini, čija je ukupna vrijednost 3.925.000 KM.
http://www.zzzrs.net/index.php/projekat/projekat_zaposljavanja_u_poljoprivredi_republike_srpske_u_2013_godini/

Grad Banja Luka u saradnji sa UNDP-om raspisao: Javni poziv organizacijama civilnog društva za predaju prijedloga projekata u sklopu projekta LOD III.
http://civilnodrustvo.ba/vijesti/javni_poziv_organizacijama_civilnog_drustva_nevladinim_organizacijama_banja_luka.html





ACED – Agencija za saradnju, edukaciju i razvoj, Banja Luka

ACED je razvojna agencija registrovana kao nevladina, neprofitna organizacija u Bosni i Hercegovini. ACED-ova misija je razvoj i pružanje programa koji će doprinijeti socijalnom, ekonomskom i kulturnom razvoju i unapređenju građana, njihovih zajednica i društva u cjelini. U okviru ACED-a osnovan je Centar za poljoprivredu i ruralni razvoj (CARD) koji sistematski i sveobuhvatno podržava razvoj ruralnih krajeva Bosne i Hercegovine.

<http://www.aced.ba/>

REDAH – Asocijacija za ekonomski razvoj, Mostar

REDAH je nastao kao izraz želje relevantnih aktera iz regije da se aktivnije posvete pitanjima od zajedničkog interesa, a u cilju bržeg gospodarskog razvitka lokalnih zajednica te postizanju uravnoteženog razvitka regije u cjelini.

U okviru REDAH-a osnovan je Centar za ruralni razvoj i poljoprivredu (CRRP) koji se bavi projektima iz oblasti ruralnog razvoja i poljoprivrede.

<http://www.redah.ba/>

Udruženje građana "Nešto Više", Sarajevo

UG Nešto Više potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

<http://www.nestovise.org/>

LAG Una-Sana, Sanski Most

LAG Una-Sana je nestranačko i neprofitno udruženje koje sektorskim partnerstvom doprinosi održivom ruralnom razvoju putem promocije turizma, poljoprivrede, iskorištavanja resursa, razvoja infrastrukture, socijalnih usluga i obrazovanja za stanovnike regije i potencijalne korisnike.

<http://www.lag.ba/>

ELARD – Evropska asocijacija LEADER za ruralni razvoj, Brisel

ELARD – Evropska asocijacija LEADER za ruralni razvoj je međunarodno neprofitno udruženje osnovano 1999. godine od strane Nacionalnih LEADER mreža zemalja članica EU.

<http://www.elard.eu/>